

URNUIGHEAN GOIRID. 1884.

National Library of Scotland



B000476945

8 ✓

APs.2.85.79

URNUIGHEAN GOIRID

'S A MHADUINN AGUS 'S AN FHEASGAR

ANNS A GHAELIG.

AIRSON FEUM GACH NEACH FA LETH, AIG NACH 'EIL
MORAN UINE AIRSON URNUIGH A DHEANAMH
AIG NA H-AMANNAN SIN.

COMH-CHRUINNICHTE LE

SAGART

ANNS AN EAGLAIS DÉ.



BAILE-DHUTHAICH.

1884



URNUIGH MADUINN.

Ann an Ainm an Athair, agus a Mhic, agus an Spioraid Naomh.

Amen.

O DHE uile-chumhachdaich agus shior-mhairainnaich làn do na h-uile trocair agus mhaitheas, tha mi tighinn ann do lathair 's a mhaduinn an-diugh, gu buidheachais a thoirt Dhuit airson a chaoimhneas a tha Thu daonnan a nochdadh dhomh, agus a nis gu somruichte tre an oidheche a tha seachad.

Is Thusa Fear-teasarginn mo chuirp agus m'anam ; tha Thu a toirt dhomh beatha, agus slainnte, agus neart, agus na h-uile nithe a tha iomchuidh agus féumail dhomh, airson a bheatha so, agus airson a bheatha a tha ri teachd. Tha mi a guidhe Ort, O DHE, teasaig mi o namhaid m'anam, agus o na h-uile ole, 's an latha an-diugh.

Deonuich dhomh gu'm biodh mi daonnan comasach a coimhead suas gu neamh, agus a bhi cinnteach gu'm beil mo pheacannan air an mathadh dhomh air sgath mo shlanuigh-fhear Iosa Crìosd, agus gu'm beil m'anam air a glanadh ann na Fhuil ro-phriseil Fein.

Beannuich iad uile airson am bu choir dhomh urnuigh a dheanamh ; treoraich sinne uile, gu sabhailte, troimh dhorchadas an t-shaoghail so cadhon gu soilleireachd latha shiorruidh ann a neamh.

Tha mi a guidhe Ort na h-uile nithe so, gu h-ùmhail, agus gu durachdach, tre mhaitheas agus airson ghradh d'aon-ghin Mhic Iosa Crìosd, ar Tighearna agus ar Slanuigh-fhear ro-bheannuichte. Amen.

AR N-ATHAIR a ta air neamh, naombaichear D'Ainm ; thigeadh Do Rìoghachd ; deanar Do thoil air an talamh, mar thatar a deanamh air neamh. Thoir dhuinn an-diugh ar n-aran lathail ; agus maith dhuinn ar ciontainnean, mar a mhaitheas sinne dhoibhsan a ta ciontachadh 'nar n-aghaidh ; agus na leig am buaireadh sinn ; ach saor sinn o ole ; oir is Leatsa an rìoghachd ; agus a chumhachd, agus a ghloir, gu siorruidh agus gu siorruidh. Amen.

Gràs ar Tighearna Iosa Crìosd, agus gradh DHE, agus combh-chomunn a Spioraid Naomh, gu'n robh maille rium gu siorruidh. Amen.



URNUIGH FHEASGAIR.

Ann an Ainm an Athair, agus a Mhic, agus an Spioraid Naoimh.

Amen.

CRELDEAM ANN AN DIA, an t-Athair uile-chumhaichdach, Cruathadair neamh agus talmhainn.

Agus ann an Iosa Crìosd aon Mhac-san, ar Tighearna, a ghabhadh leis an Spiorad Naomh, a rugadh le Muire an Oigh, a dh'fhuiling fo Phontius Pilat, a cheusadh, a fhuair bàs, agus a dh'adhlacadh; chaidh E sìos do dh'Ifrinn; air an t-reas latha dh'èirich E ris o na mairbh? chaidh E suas gu Neamh, agus tha E 'n a shuidhe air deas laimh DHE an t-Athair uile-chumhaichdach; as an sin thig E thoirt breth air na béothaibh agus air na mairbh.

Cricdam anns an Spiorad Naomh; an Eaglais Naomh Choitcheann; an Comh-chomunn nan Naomh; am maitheanas pheacannan; an aiseirigh a' chuirp; agus a' bheatha shiorruidh. Amen.

O DHE, Athair Naomh agus thrèaireach, tha mi a tighinn a d'ionnsuidh a rithist aig crìoch an latha so, ri thoirt Dhuit buidheachas ro-mhor airson na h-uile caoimheas a tha Thu a nochdadh dhomh; agus tha mi 'g iarraidh maitheanas Uat, airson mo pheacaman, mo dhearmaid, agus m' aincolais troimh an latha a tha seachad. Dean trocail orm, O Athair, tha mi a guidhe Ort; agus air sgath do Mhic Iosa Crìosd maith dhomh mo chiontainnean.

Glan m' anam nis a's a rithist, ann an Fuil Uain Dè a tha toirt air falbh peacadh an t-saoghail, agus treoraich mi ann an slioghe na sìth. Deonuich gu'm biodh mi daonna ullamb a dheanadh Do thoil ro-naomh, ann a smuain, ann a focail, agus ann an deanadais; agus a thoirt suas mo bheatha mar iobairt-reitich Dhuit.

Cha 'n 'eil ni sam bith nach d' rinn Thu air mo shon; thoir dhomh gràs do Spioraid Naoimh, gu 'm biodh mi cómasach mo chreidimh agus mo gràdh Dhuit a nochdadh a mach, le m' beatha a thoirt suas gu d' sheirbhis, agus an t-àm glormhor sin, 'nuair a chì mi Thu, mar a tha Thu, ann an gloir an Athar anns na h-ardaibh, agus gu 'm bithidh mi maille riut gu sìorruidh.

Tha mi a guidhe Ort, eisd rium, O Thighearna, Athair ro-throcairach, air sgath Iosa Chrìosd, Do Mhic air Tighearna; A tha maille riutsa agus maille ris 'n Spiorad Naomh, aon DIA, saoghal gun chrìoch. Amen.

AR N-ATHAIR a ta air neamh, naomhaichear D' Ainm; thigeadh Do Rìoghachd; deanar Do thoil air an talamh, mar thatar a deanamh air neamh. Thoir dhuinn an-diugh ar n-aran lathail; agus maith dhuinn ar ciontainnean, mar a mhatheas sinne dhoibhsan a ta ciontachadh 'nar n-aghaidh; agus na leig am buaireadh sinn; ach saor sinn o ole; oir is Leatsa an rìoghachd, agus a chumhaichd, agus a ghloir, gu sìorruidh agus gu sìorruidh. Amen.

Gràs ar Tighearna Iosa Crìosd, agus gràdh DHE, agus Comh-chomunn an Spioraid Naoimh, gu'n robh maille rium gu sìorruidh Amen.

x

+







